

靈樞本草正經卷上

晉駕部郎中顧切明註

宋御史中丞何承天續註

昇騰課大通卦 一一一

從小至大無有顯沛自下昇高遂至舊業宜

出遊行不利伏輻

顏云以小慕大可致富貴若居大慕小則

有危亡又云天地既位聖人參之經緯草

昧開元造始故曰自下昇高也立功創制

無往不善不可陰謀密計不宜老病婚姻

難合純陽故也行人未歸繫獄者出市賈

有利

何云仕宦高遷宜顧不宜隱病者不宜居

賸處宜出外避之吉口舌無官居家大富

行師吉戰開勝孕生男田蠶漁獵大獲吉

解曰從小至大陽始生也三人同心宜遊

行也不利伏輻其道光也此課三位俱陽

火陽方長故為從小至大自下昇高之象

占者得之初事立業求名覓利皆吉訟者

宜公道求直行人吉而未歸不可為陰謀

說秘之事病者增重出避之吉

漸泰課受福卦 一一二

安居布業治產有入既富且貴祿位未及

顏云安心定志以候歲時則皆吉若建望

則不成又云陰陽位既正天地道斯得人

事居業之象求官覓財經營田蠶並吉婚

姻初難後易行人富至居家平安官事不

成繫囚者用力乃釋

何云遠行者至孕者生男官事繫囚赦息

而免病者不死九事皆吉

解曰安居治產剛柔得也此不願乎外實

受福也此課二陽在上一陰居下三才之

位皆得故為既富且貴之象宜保而不可

有無厭之求則吉家宅婚姻成官事無撓行

人未歸求官以得而治事聞憂不憂病雖

未瘥而無害

富昌課吉慶卦 一一三

魏魏赫赫家有金帛物備事辦不求自獲

顏云既有金帛不煩求也居家吉行人未

歸又曰天生萬物其理彌成不假營求自

然成辦此卦純陽婚姻不諧囚者無罪田

蟹得成餘事皆吉

何云行人欲至孕者生男市賈有利官事

遇赦得免捕討皆獲

解曰魏魏赫赫純陽也家有金帛地道光

也物備事辦勢強也不求自獲實蕃昌

也此卦三陽而下位盛地道產物故金帛

盈而物事辦盛陽根於下少陽與於上如

木本盛而實蕃故有不求自獲之象占者

得之求事皆吉治產最利戰功大勝捕亡

必獲占訟則費財而勝占病則凶迹伏則

不能遂

富威課通泰卦 一一四

富威貴極天道反側隨運上下與時消息子

子孫孫以萬以億

顏云凡居富貴不忘貧賤則名流於後若

不能謙退必至顛覆行人在途久久始還

又云自二至四地道再成富貴之理於斯

為極夫居滿必虧居高必危故云反側若

消息盈虛不逆時運必能保身全名澤及

子孫此卦宜謹避囚者難出望人者少遲行者不發  
何云病者獲運宜祭天神求福婚姻嫁娶吉積財者不宜加添遠行不宜便進口舌官事宜求執法者

解曰富威極貴家業成也隨運上下以保盈也子子孫孫不宜爭也此課陽在上老陰居下上下得位有位有物富貴威極無以復加之象故宜隨運從時知足無妄則可保其已身成而子子孫孫續守之而無失矣占婚姻吉求官覓財望事皆已得遂不可過望行者止吉官事求和復則有悔病將愈戰功不宜妄躁見則可止吉求人信允事極則必反已吉則有凶已凶則吉也

樂道課驚喜卦 一二一

外剛內柔和合自周養性保命與神俱遊顏云所求乘越保身而已病者未瘥宜祭吉無憂任官不進事不成繫囚難出又云婚姻吉孕生男病者宜求神市賈有利行

軍大吉

何云陰處陽位故外剛也不宜強進養性保命自順之象也

解曰外剛內柔宜與人同也好謀慎事以其全躬也與神俱遊亦不凶也此課一陰居二陽之中故為外剛內柔之象陰處陽位不宜有為故當和同周慎以保守則吉占病有崇祀之吉訟不成嫁娶市賈吉出軍不戰囚繫難出聞事多虛詐宜陰謀

驚怖課小危卦 一二二

雄雞晝鳴登屋延頸雖在墻下為狸所驚絕聲乘赴得免損身

顏云凡事初難狼狽終無他虞凡營官事皆先破後成行人未至病宜早療又云上應在初為中所隔不能相救故致驚也然居履高位終制強禦絕聲來赴得免禍敗雄者屬陽雌者屬陰鷄之賊莫若於狸也此卦惡官事不成囚者有力乃解何云遠行人逢賊求官婚姻市賈皆不利艱難借覓所求違志田盤不收凡事先憂

後吉

解曰一雄一雌必有爭也剛健在上柔不能凌也順動正應保無傾也此課以陽居尊位而下二陰俱欲為之上與初應而隔于中故取雄雞登屋而雌雞在下為狸所驚之象然陽在上位而為主中陰未成故卒合而無損傾占事費力先危後安行人歸而中途有阻師行有恐病宜急求醫求官婚望事皆為人所授必須倚仗有力者皆先難後獲也

年豐課宜田卦 一二三

正月上旬歲在大梁東風解凍宜爾田桑歲終豐稔歡樂難當

顏云所求宜以子午卯酉年月日則吉然應之稍遲耳非此年月日不成田盤則無不吉又云陰去而陽來之象歲在酉月大梁諺云太歲在酉乞漿得酒言其豐也此卦主田籛吉仕宦未遂居官無憂病者無害何云水陸遊行婚姻和合大吉之卦

解曰天人協和陰從陽也土地豐衍宜田  
桑也午酉之際利不可當也此課少陽在  
上少陰居中從之天人之位得矣盛陽居  
於地位上和睦而下豐富故宜田蠶正月  
謂初爻也大梁酉也課體下三為離離午  
也中二為兌兌酉也占事皆得如意而應  
在午酉之年月日或酉方也

小過課小成卦 一二四

禍從下興戒謹重僕陰謀潛合欲動手足

顏云陽雖得位群陰所圖故曰有重僕陰

謀欲為害也宜戒左右此卦百事皆憂不  
致大凶官事必成囚者難出陽弱之故也  
何云行者遇盜居家者憂奴僕為害羣聚  
有口舌求事不遂病者為下人呪詛也  
解曰孤陽在上勢寡弱也陰處於家憂奴  
婢也此課一陽居上而羣陰在下中位少  
陰柔弱不能制下故為禍從下興戒慎重  
僕之象占事皆不利此與第六卦俱以一  
陽居上而占不同者彼下位少陰故有從  
上之志而為中所阻此則老陰勢自恣于

下而不能制猶弱夫幼妻之為家而豪  
奴悍婢不受其主之命也其凶可知矣

得志課自足卦 一三一

顯然得志與時相值財帛足用不之驅使

顏云志願既得物又是用復有驅使又云

純陽用事得志之象也處心至公財用  
足韓子曰文王伐崇至黃鶴之墟鞋繫解  
頰左右皆賢無可使者因自結之此賢人  
君子秉至公之道也

何云仕宦豐祿遠行者至病者自瘥囚者

得出孕者生男市賈有利所求大獲之象  
解曰龍得正中大得時也上下協從足以  
有為也此課盛陽處于位得志得時而上  
下少陽同心與之何患財不足用而驅使  
之乏哉占者得之無求而不可得大吉之

課

事遂課將泰卦 一三二

昔未如意今得從志萬物獲理明白行事  
顏云始遂其志以忠良為本不宜以私為  
事行人回病者瘥又云三才位正陰陽和

睦君子之道於斯為泰選官益壽市賈有  
利百事皆吉

何云婚姻和合用事大勝田蠶吉利困者  
得志囚者得免求事遂志行人即至明白  
行事萬物各得其理者

解曰昔未如意泰在內也陽處外行時開  
泰也正直無私其道乃大也此課三才位  
正陰陽相睦君子一道方亨不宜陰私而  
宜為正大光明之事占者得之大吉

才達課安吉卦 一三三

濟濟多士令德輝光相見歡喜長樂無殃

顏云出身以才當有貴人相助歲暮方得  
其力非止一也病者瘥行人還百事吉上  
欲見王侯及求名譽彌善

何云求官得志行人至市賈田蠶有利嫁  
娶吉病者瘥官事不成此卦吉利

解曰濟濟多士以從上也相見歡喜往有  
齒也此卦一陽正位于上而中下皆三陽  
猶人君有剛明之德而眾賢從之也庶人  
得之則為貴人良朋相助之象占求官見

黃婚姻市賈皆吉用兵得賢人求事當獲人助吉

恣遊課行樂卦 一三四

乘龍駕驥恣遊四方歡心適意行樂無難

顏云從其心意東西南北而已凡事無所

不成行人未還病者自瘥易曰時乘六龍

以御天又云北馬地類行地無疆

何云捕賊失物皆得孕生男市賈有利求

婚自合田蕪如意繫者無憂百事皆散

解曰乘龍駕驥下順承也恣遊四方莫我

敢膺也此課一陽居於上而中下皆當三

陽為龍四陰為驥各得其所以為我用宜

其遊遊四方以行樂無疆矣占者得之大

宜進取惟問行人則未歸而在外亦得意

也

憂患課孤立卦 一四一

上單下孤為奸所圖心腹之病不可卒除代

至陽春乃得自如

顏云常懷恐怖畏有患害得貴人救護終

無咎也病者二月三月方瘥又云二陽隔

於重陰不可救援猶奸臣竊政先及小人此憂患之象百事少吉行者速厄

何云治產不吉為賊所謀病人瘥遲囚者未出此卦微凶

解曰上單下孤陰盛于中也小人間阻志

不通也守正待時可保中也此課上下皆

一陽而四陰居中間之小人朋也正道不

通之象占事皆有阻隔不利宜以正自保

守以免於禍此與第五卦相似而此之憂

者後以少陰居中有比於陽之志故為自

周之象此時四陰朋比其勢眾威除之甚

難故待陽月我之助一至以解厄也

慎德課盜賊卦 一四二

天地寬舒小人自如禁令不行盜闖我廬

顏云當失財物家長病至秋方瘥此卦大

宜執正不宜求事行人未有期追逃亡者

不獲

何云病人服藥無益官事不輕求財利薄

居家防盜此卦大凶

解曰天地寬舒法令施也盜闖我廬不能

視也君子之嗟小人之喜也此課群陰一陽中位陰盛下本上應而為中所阻反為

中比是為君子之室為盜所據也占者宜

防盜賊居家治產市賈求官用兵出行事

事皆凶惟逃亡伏竄則吉

戰敗課將損卦 一四四

豺虎咆哮霖霖雨水戰聞不勝弱兵銳士為

寇所凌多有亡死

顏云尅彼益此皆非其理凡事甚難行人

當還中路恐怖不宜討賊又云陰悉愈壯

君道日微豺虎外寇四面交通敵難尅也

何云方伯防邊必被盜賊縱在高陵橫遭

洪水病者困重牢囚堅固詞訟不通周而

復始市賈田蠶求官皆不利

解曰豺咆哮水淫陽道孤也大姦協比危不

可扶也此課一陽棲於積陰之上故有豺

虎咆哮雨水霖霖之象占事無所不凶用

兵最忌惟大旱求雨必得雨也 三象上

一十六課

破賊課行令卦 一四三

君命司事討除奸兇尋戈張戟大有所從

顏云宜為人驛使亦宜驛使他人若自專

皆敗也病者有鬼宜祛除之行人無恙宜

取之吉占討賊捕亡必克在內為奸在外

為兇此卦征伐捕亡小必勝大市賈有利

求官亦得田蠶婚姻皆吉

何云王者除討必有所驗官事自解百事

無凶

解曰陰間在中欲問正也君命討之兵力

盛也尋戈張戟以伐病也此課一陽正位

于上而三陽盛發於下四陰居中雖欲問

阻而三陽合德陰應以露故有君命司士

討除奸兇之象占出征捕亡大勝病者療

之即愈公訟理直者勝行人無恙間阻可

通凡事皆吉

神假課神護卦 二一一

太乙將兵玉女在傍巫咸仙師除去不祥

顏云家長富病有一女鬼作祟宜解除之

凡事多間行人亦為此不得還又云天神

尊者太乙玉女為其佐巫咸殷賢也蓋

取美號此卦祈禳獲福病者有祟宜急解

之求官求事市賈婚姻皆利

何云行人即至口舌無苦官事終無患合

得人力宜求福除禍所作者成

解曰太乙將兵除不祥也陽至陰孤妖不

長也此課陰雖居上而二陽得朋于有志

同心去邪之勢而上陰反為我用故取太

乙將兵之兆也玉女在傍巫咸光拂之象

占事雖有難疑而終得朋友之助以成功

病者禳之則瘥行人還戰開大勝

淫盜課將敗卦 二一二

兩女一夫上下相驅陰氣東陽遂用耗虛

顏云男女相尅初婚後離行人雖還在途

逢賊又云外非玉女內乘太乙以一陽而

受制於二陰虛耗之卦病者彌重

何云所求無益所作未諧行人未至田蠶

失望官事難解病者重百事大凶

解曰兩女一夫陽陷於陰也抗精卻神以

從淫也遂用虛耗陸沉也此課一陽陷於

二陰之中陰陽皆少弱子求合而陽不振

為陰所乘必至耗虛占事得之皆凶

抑奸課調理卦 二二三

天陰雲升陽從下與君子治亂小人畏懲

顏云陰竊陽位如雲之升盛陽在下將登

九五除逆禁暴眾邪自消小懲大戒此卦

宰制最佳百事初憂後喜

何云所求不得所作不成執正攻亂小人

畏罪病者未瘥行人雖回無利必有讒言

解曰天陰雲升龍躍淵也以正去邪如決

水也此課陰陽雖不得其位而一陽居中

三陽在下以君子治亂以剛決柔之象占

臨政治民捕亡討叛皆吉訟以正勝不宜

陰私君子得之大吉小人反是

流竄課未還卦 二一四

田荒土虛人民遷居待年之豐乃歸室廬

顏云此課陰興之至極陽不能制田荒人

散豐年乃歸病者瘥遲田蠶不利

何云仕宦失祿行人未回田蠶失本此卦

雖不吉不能傷人但安貧守靜作福自吉

解曰田荒土虛不可據也小人異欲終不

相與也守正以俟必獲我所也此課陽陷於陰而下位感陰故為田荒土虛人氏逃散之象然下陰以老不相求合小人得志既極必衰而少陰之在上者及與我比所以終歸舊廬占事必有阻滯守靜待時則吉

多藏課戒貪卦 二二一

埋金藏玉自言貴極鬼債不解神不降福

顏云以陽為貴故曰金玉自言貴極神不佑之病者有鬼宜急祈禳官事求人乃濟

何云居祿貪財必致狹谷雖有財實必憂盜賊病者不愈行人未歸囚者難出田蠶不收出師不利為鬼所執凶也

解曰埋金藏寶陽在下也鬼道上行福不可假也此課孤陽抑於二陰之下不能有

為而二陰在上柔懦先立皆以得此為實故無福而有憂矣占者當以貪敗

安泰課貴圓卦 二二二

歲富月昌上田開張安如泰山終無禍殃

顏云廣開田疇以俟歲終用天分地終無

禍尤其安不動有如泰山居家吉田蠶大獲病者無苦行人未回

何云居官食祿財帛自來軍行得勝孕者生男有學問此卦大吉

解曰歲富月昌眾同志也柔順利貞福無窮也安如泰山有始終也此課三位俱陰

得其中正有安居處順不願乎外之象故有吉無凶占家宅田蠶居官市賈諸事皆大吉征戰得地病者不治自瘥公訟無咎行人未還

天祿課福興卦 二二三

受天之祿如日之升少小仕宦爵祿方興

顏云居家求財吉行人未還病者宜解之祭祀求福又云重陰發動如日之升此近於純吉不宜幽居及竄叛市賈傭奴難得

遂意餘並吉

何云所作高遠必遂其意病者無苦軍行

吉利宜求星辰所謀遂意凡事不宜陰私

解曰陽盛下與剛決柔也進德修業承天休也此課二陰居上感陽在下進而上行

如日之升象也占求官仕進大吉此課純吉惟不宜幽居外竄市賈奴婢

豐財課亨通卦 二二四

富如井泉雖用無竭所求者遂歡樂不絕

顏云百事皆吉居家有慶賀事行人即還財如井泉用之不竭所求者皆得歡喜無比

何云仕宦高遷治生富贍田蠶倍收吉祥歡樂病者自瘥囚者獲出此卦大吉

解曰富如井泉獲地利也柔順上下行求無不遂也此課下位陰感與上不相違尅

故為土地肥饒之象也二陰柔順而在上不妄動作而安享其利此所以遠吉占者求事皆吉

後吉課憂喜卦 二三一

心有所憂耿耿不寐恐有禍患而反福至慶賀歡喜大為我利

顏云初雖有憂終乃有喜又云陰居天位非所據也故雖有憂而三陽同禦不能為害此卦先小憂後大吉故無咎也

何云口舌不成行人當至婚姻市賈先難後易病者初困後瘥官事前凶後吉失物難求

解曰以陰尚陽位不尚也慮患而獲福以剛中也此課陰居上位而陽居下不得其

位之象然一陽在下感陽中據陰弱不能制剛初雖有疑終得吉慶凡事始憂而終吉憂虛而吉實也

平安課潛通卦 二二二

上下俱安心不生奸挺然無憂勿信流言

顏云心正自吉勿信流言行人至囚者出此卦雖上下俱陰而三陽居中初雖有憂

各安所居無悔吝矣百事自如先憂後吉事君結交者彌善

何云娶妻得美女行人在道孕者生男病者見惟無害官事散田蠶吉行軍市賈百事大吉

解曰上下俱柔以中主也剛正不撓衆所與也此課三陽居中而上下皆陰少陰未感無乖爭而有和合陽剛陰盛不能成故

為上下俱安之象有象而無凶也

辟惡課盛德卦 二二三

眾人愛我辟除患禍猛犬不噬萬無不果

顏云凡事吉得人助之行人回得財物居家並吉又云陰雖居上非正位也羣陽彌

盛能除禍患眾皆愛之此皆前三卦皆以竊位而居陽德不虧修之乃吉所憂無苦

何云公卿方伯必得良佐娶婦必得良妻病者獲囚者出得人助之戰開勝孕生男市賈有利

解曰謙光在上眾可愛也羣賢輔承保無害也此課陰居上位而不挾其勢群陽在下剛正無邪雖猛犬不噬而反能為我辟

除禍患占事得眾助我成功

大獲課制物卦 二三四

韓盧逐兔走不伸步噬犬在前逐者在後更相重疊畧不得走

顏云居家吉行人回前後至又云三陽居中能制群小猛犬之噬兔畧不得走言不旋踵而獲凡事先小後大此卦宜捕逃亡

求財亦豐卜病不利

何云仕宦田蠶皆利所求遂行入吉病者困囚者滯官事難解軍行空回又云此去區區出何須歎苦勞深潭宜下釣必獲大鯢鯨

解曰三陽在中剛道盛也小人雖柔不能競也雖欲跳浪終聽命也此課雖以三陽處二陰之中而少陰在上老陰居下老少

異欲為剛所制而不能為也故為韓盧逐兔之象占者得之大宜捕亡討賊求財覓

利婚姻皆吉出行有阻繫囚難脫病者危篤居家無咎凡占事即成解事則不成也

衰興課復興卦 二四一

聖賢相承微而復興瓜瓞綿綿漸而上升顏云事乖而復合求者必得百事從心又

云陽雖微弱志在於正自下升高猶瓜瓞之蔓綿綿而上真心從事乃得興微繼絕也此卦主仕宦升遷析恩福求嗣吉

何云學問有成行人即至田蠶大獲市賈有利娶妻貞美仕宦升進所求遂意病者

困宜求神則吉占失物不獲

解曰陰盛于中極必衰也瓜瓞綿綿陽復來也漸而上升正道回也此課以少陽居群陰之下孤危甚矣然少陰在上老陰居中忘不相合小人盛極必自乖違而少陽方興于下彼日衰而此日進如瓜瓞之綿綿而升興衰撥亂之兆也占事皆吉

避災課守靜卦 二四二

夏往秋來寒霜為災鳥獸毛毳草木落葉顏云凡事春始從心居家吉行人未回又云夏出秋藏陽散陰極故鳥獸毛落草木色衰君子明夷靜處之世不可以時務進此課稍凶

何云仕宦遭橫幸群賊因徒相害病者由因行軍不利官事難解行人未回治生失所有口舌及盜賊

解曰夏往秋來陰氣盛也草木藏葉靜以守正也此課群陰用事老陰居中君子道塞之時占者宜退藏守靜不宜求進則吉占事皆不獲所求病者大困

發蒙課興訟卦 二四三

陰極變陽勢轟開張此放天下鐘鼓堂堂顏云以陰發陽欲用群賢如擊鐘鼓大有幽園開張此受天仙制之卦也占仕進大吉不宜婚姻陰陽自傷不和之故也孫子曰無邀整整之旗勿擊堂堂之陣

何云洪恩俯及繫者解散仕宦高遷治生十倍

解曰陰極變陽則來在內也勢轟開張雷出地也鐘鼓堂堂德聲被也此課以三陽使勝極之陰如震雷發蟄君子道長之時占事皆吉用師宣布文德

病患課潛遁卦 二四四

陰淫小病僵仆懷愁仰面望天俯伏低頭顏云所求不得行人有患又云陰之為患峻淫而起即不至極故曰小病然僵仆望天不見救者故低頭俯伏憂思而已此卦百事皆凶惟宜陰密耳

何云病者不可救因者罪成難為道理行人遭此卦不吉

解曰陰勝浸淫愁危也俯伏望天憂轉極也此二陰窮于下一陰棲于上世為凶兆占病必死因繫不出被圍無救諸事皆凶

靈樁本章正經卷上